



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vitis Aqvilonia seu Vitæ Sanctorvm Qvi Scandinaviam
Magnam Arctoi Orbis Peninsvlam Ac præsertim Regna
Gothorum Sueonumq[ue] olim rebus gestis illustrarunt**

Vastovius, Johannes

Coloniæ Agrippinæ, Anno M.DC.XXIII.

Israel. C.

urn:nbn:de:hbz:466:1-38534

ISRAEL FLORVIT AN-
NO CHRISTI 1348.

CLEMENTE VI. Pontifice.

CAROLO IV. Rege Rom.

ERICO XII. Rege.

*Israelis indoles
& inuenit in-
stitutio.**In Deiparam
peculiaris de-
uotio.
Pauperibus o-
pitulabatur.**Dignitates re-
pudiatur, donec
diuinitus im-
pellitur.**Cum laude
munere suo
fungitur.
Dotes eius.**Contra infide-
les copias du-
cit, martyrii
cupidus.*

ISRAEL summo apud Sueones genere natus frater D. Brigittæ ab infantia domesticis creuit exemplis in pietate & moribus, non molli educatione nutritus sed optimis institutis imbutus, ætate non sensu puer videbatur vt iam tum omnibus firmum relinqueretur argumentū qualis adultæ ætatis seges futura esset. Præuorum fugiebat consortia & bonos pia æmulatione superare nitebatur. In B.M. Virginem præcipua ferebatur deuotione, eius patrocínio se suaque semper commendans. Pauperum opitulator fuit insignis, quibus toto affectu subueniebat & humanitatis obsequia præstabat, cumq; iam honoribus iisq; summis suscipiendis ætas esset idonea, Nericiæ Legifer seu præses proclamatus est, quam ille dignitatem priuato statu contentus diu reluctando repudiavit, nec precibus vllis vel Regis vel amicorum adduci potuit, donec reuelatione B. V. monitus id muneris ad honorem sui filij ipsiusque spiritualis augmentum profectus cessurum didicisset tandem consensit. Tanta porro autoritate ac pace in suscepta dignitate se gessit, quanta potuit à viro grauissimo desiderari. Ea enim illi fuit comitas, ea facilitas, ea erga omnes beneuolentia, vt se conuenientes benignissime exciperet, ea demū in vultu Maiestas vt timeretur à malis & coleretur à bonis. Magnates inter honorabilis, inter minores humilis semper visus fuit. Delicta rationibus non conuiciis arguebat, in dicendo erat efficax, in respondendo promptus & argutus, in decernendo solidus, aspectu adeo iucundo vt omnes ad se alliceret, naturali prudentia adeo sibi connata, vt ex propriis singulos moribus discerneret, Dei & iustitiæ intuitu sua cuiq; largiretur. Interea graue incubuerat Gothis & Sueonibus bellum cum Schismaticis

maticis & Moschouitis & falsorum numinum adhuc veneratoribus Oæstonibus, qua occasione Martyrij decus adeo cor eius peruaferat, vt preciosam pro Christo mortem super omnium virtutum merita peroptaret, nec prius Regem sollicitare destitit, quam optata proficiscēdi potiretur licentia.

Leætissimo igitur secum milite sumpto nauem conscendit & Rigam Liunionæ metropolim peruenit; iam iamque castra contra Dei & Ecclesiæ hostes producturus, in ægritudinem incidit, sentiensq; tabernaculi sui depositionem innere, ascendit cum aliquibus in Ecclesiam Cathedralem ibique digito imaginis B. Virginis cui templum dicatum erat, annulum quem gestabat preciosum imposuit dicens: *Tu mihi Domina es semperque fuisti charissima, super quo testem iuoco filium tuum, ideo me & animam meam tuæ providentiæ do dico addico.* Mox sacrosanctum Christi corpus Christianæ peregrinationis viaticum sibi poposcit, quo autem cultu, qua veneratione, quibus pietatis & religionis signis non facile quisquam dixerit. Venienti Domino quantum potuit tota mente obuiam processit, etiam corpore, quatenus per exhaustas vires licuit, humi ante altare positus atq; prostratus cœlesti pabulo refectus, tota mente & oculis in cœlum intentis beatam Deo animam reddidit, & vere beatam, quam etsi persecutionis gladius non abstulit, palma tamen martyrij non fefellit. Obiit autem anno reparationis salutis Millesimo trecentesimo octauo & quadragesimo. Corpus eius ab vxore Ramfride in Sueciam perductum paterno Vbsaliæ illatum fuit sepulchro.

Rigam appellat.

Ægrotat.

B. Virgadem adit: eidem & filio vitæ suæ meram commendat.

S. Viaticum expectat ad aram procumbens.

Reficitur.

Animam Deo reddit.

Corpus eius Vbsaliæ tumulatur.

De eo lib. 6. reuel. D. Brig. c. 95. & lib. 8. c. 29. & alij nonnulli rerum Sue-ticarum Scriptores, qui, dignitatem Regiam cum corona Regni ei delatam postquam Rex Magnus Smeek in Noruegiam profugisset, constanter Israellem repudiasse asseuerant.